

# Ҳадис дарслари (141-дарс). Набий алайҳиссаломнинг амаллари доимий эди



18:39 / 16.06.2021 2806

أَيُّ شَيْءٍ مِّنْ لَّيْسَ لَكَ بِهِ نَأْيٌ لِّلَّهِ عِلْمٌ لِّمَا تَلْتَمِسُونَ  
لَوْ سَرَّ نَاكُ أَمْ عِيْطَتْ سَيِّمُ كَيْ أَوْ هَلْ مَعَكَ نَاكُ، أَلْ تَلْتَمِسُونَ  
عِلْمَ لَّهِ أَوْ عِيْطَتْ سَيِّمُ كَيْ أَوْ هَلْ مَعَكَ نَاكُ، أَلْ تَلْتَمِسُونَ

Оиша розияллоху анҳодан ривоят қилинади:

«Расулulloҳ соллаллоху алайҳи васалламнинг маълум кунларга бирор нарсени хос қилиб қўйиш одатлари бор эдимиз?» деб сўралди.

«Йўқ! У зотнинг амаллари доимий эди. Сизлардан қай бирингиз Расулulloҳ соллаллоху алайҳи васаллам қодир бўлган нарсага қодир бўла олар эди», дедилар».

Учовлари ривоят қилишган.

**Шарҳ:** Бу ҳадиси шарифда Оиша онамиздан Пайғамбаримиз соллаллоху алайҳи васалламнинг одатлари ҳақидаги баён келмоқда.

Саҳобаи киромлар доимий равишда Оиша онамиздан турли нарсаларни сўраб туришар эди. У киши жуда кўп нарсаларни билар эдилар. Пайғамбаримиз билан доимо бирга бўлиш, етук ақл соҳибаси бўлиш Оиша онамизга кўп нарсаларни билиб олиш имконини берган эди. Пайғамбаримиз соллаллоху алайҳи васалламдан кейин ҳам кўп

нарсаларда, катта саҳобалар еча олмай қолган масалаларда ҳам Оиша онамизга мурожаат қилинар эди. Ана шундай пайтларда Пайғамбаримиз соллаллоҳу алайҳи васалламнинг одатлари ҳақида ҳам сўрар эдилар. Шундай саволларнинг бирида:

«Расулуллоҳ соллаллоҳу алайҳи васалламнинг маълум кунларга бирор нарсани хос қилиб қўйиш одатлари бор эдими?» деб сўралди.

Яъни, маълум бир куни, маълум бир ибодатни хос қилиб қўйишни одат қилган эдиларми, деб сўралди. Оиша онамиз:

«**Йўқ**», деб жавоб бердилар.

Демак, Расули акрам соллаллоҳу алайҳи васалламнинг бундай одатлари бўлмаган. Унда қандай бўлган? Бу саволга жавоб Оиша онамизнинг жавоблари давомида келади:

«У зотнинг амаллари доимий эди».

Яъни, бир кун амал қилиб, бошқа куни ташлаб қўймас эдилар. Оз бўлса ҳам бардавом амал қилар эдилар.

«Сизлардан қай бирингиз Расулуллоҳ соллаллоҳу алайҳи васаллам қодир бўлган нарсага қодир бўла олар эди», дедилар.

Яъни, қайси бирингиз ана шундай доимий равишда амал қила олар эдингиз.

Ушбу ҳадиси шарифдан олинадиган фойдалар:

1. Олима аёллардан илм сўраса мумкинлиги.
2. Оиша онамизнинг фазллари.
3. Пайғамбаримиз соллаллоҳу алайҳи васалламнинг маълум кунларни хос қилиб, бирор нафл ибодат учун ажратмаганликлари.
4. У зот соллаллоҳу алайҳи васаллам бир ишни қилсалар, доимий равишда қилганликлари.
5. Бошқа кишилар ҳар қанча уринсалар ҳам, у зот соллаллоҳу алайҳи васалламнинг даражасига ета олмаслиги.

**«Ҳадис ва ҳаёт» китобидан**